

Landesbibliothek Oldenburg

Digitalisierung von Drucken

Desiderii Erasmi Roterodami Paraphrases In Novvm Testamentvm

Praemissa Est Io. Aug. Noesselt Historia Paraphraseon Erasmi Rot. In
Novum Testamentum

Erasmus, Desiderius

Berolini, MDCCLXXX

VD18 90514300

Reverendissimo Domino D. Matthaeo Cardinali Sedunensi Comiti Valesii
Des. Erasmus Roterodamus S. D.

urn:nbn:de:gbv:45:1-14035

REVERENDISSIMO
DOMINO D. MATTHAEO
CARDINALI SEDUNENSI COMITI VALESII
DES. ERASMUS ROTERODAMUS

S. D.

Nuper Iacobum dedimus, et latine loquentem, et explanatius, nunc Ioannem damus, ut et nos paulatim carpamus operis partes, nec tuam celsitudinem negotiis imperialibus occupatissimam obruamus, si quod tamen datur tempus vacuum hisce nostris lucubrationibus cognoscendis. Bene vale vir eximie. Lovanii 6. Ianuarii.

I N
EPISTOLAM IOANNIS
PRIOREM
ARGUMENTUM
P E R
DES. ERASMUM ROTERODAMUM

HAnc epistolam esse Ioannis apostoli, qui scripsit evangelium, vel ipse sermonis character arguit. Multus est in mentione lucis ac tenebrarum, vitae ac mortis, odii et caritatis, in iterandis verbis, velut excerptis ex sermone proximo. Quod genus est illud, ut exemplo quod diximus fiat dilucidius: *Nolite diligere mundum, neque ea quae in mundo sunt. Si quis diligit mundum, non est caritas patris in eo, quoniam omne quod in mundo est, etc.* Ac mox: *Non est ex patre, sed ex mundo est, et mundus transit.* Quoties hic iteratur mundus? Postremo est in toto huius sermone quiddam minus adstrictum, ac fusius, quam in sermone reliquorum apostolorum. Est autem dilucidior epistola, quam ut egeat argumento, quemadmodum et duae sequentes, quae Ioanni cuidam presbytero, non apostolo, tribuuntur.

ARGUMENTI FINIS.

I N